

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 16/26 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 5. sjednici održanoj 02.09.2026. godine, donijela je

Autentično tumačenje člana 65. stav (1) tačka e) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 16/26)

„Član 65.

(1) Radniku po osnovu otežanih uslova rada pripada pravo na poseban dodatak uz platu u visini do 25% njegove osnovne plate u sljedećim slučajevima:

e) nastavniku u redovnim školama po osnovu rada sa učenicima s teškoćama s kojima nastavnik radi na osnovu individualiziranog prilagođenog programa (IPP), pripada pravo na poseban dodatak na platu u iznosu od 2% njegove osnovne plate za rad sa svakim učenikom s kojim realizira jedan čas sedmično, a najviše 15% njegove osnovne plate, “

Dio citirane odredbe Kolektivnog ugovora „15% njegove osnovne plate“ se odnosi na pravo na poseban dodatak na platu u maksimalnom postotku za svakog od učenika sa kojim nastavnik radi na osnovu individualiziranog prilagođenog programa (IPP) te ukoliko nastavnik radi sa više učenika po individualiziranom prilagođenom programu (IPP) poseban dodatak kumulativno može prelaziti 15%.

Odluka o autentičnom tumačenju člana 65. stav (1) tačka e) Kolektivnog ugovora je donesena na 5. sjednici Komisije održanoj 02.09.2026. godine jednoglasno konsenzusom.

ČLANOVI KOMISIJE

Enida Vehabović, predstavnik Poslodavca

Saudin Sivro, predstavnik Sindikata

Senad Sladić, predstavnik Poslodavca

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO
n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBiH -
KANTONALNI ODBOR KANTONA SARAJEVO**
n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 16/26) obratio se Sindikat, kao jedna od ugovornih strana, vezano za dopis Javne ustanove Osnovna škola „Sokolje“ Sarajevo, broj: 02-715/26 od 06.07.2026. godine (zahtjev zaprimljen u pisarnici Kantona Sarajevo pod brojem: 11-02-33491 od 07.07.2026. godine), koji se odnosi na tumačenje člana 65. stav (1) tačka e) Kolektivnog ugovora u dijelu utvrđivanja prava na poseban dodatak nastavniku koji radi sa više učenika po individualno prilagođenom programu (IPP), donijela autentično tumačenje člana 65. stav (1) tačka e) Kolektivnog ugovora.

U vezi s navedenim, obavještavamo Vas da je Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na svojoj 5. sjednici održanoj 02.09.2026. godine, donijela autentično tumačenje člana 65. stav (1) tačka e) Kolektivnog ugovora, koje Vam dostavljamo u prilogu ovog akta, radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**